

## KAZI YA LIKIZO KIDATO CHA NNE

### Maagizo-

- Jibu maswali yote.
- Majibu yote yaandikwe kwa lugha ya Kiswahili.
- Kila swali ni alama ishirini.

### SEHEMU YA A : FASIHI SIMULIZI

1. 

a) Fafanua maana ya lakabu	(alama 2)
b) Sifa za lakabu ni zipi	(alama 5)
c) Kwa nini lakabu ni muhimu katika jamii?	(alama 3)
d) Jadili manufaa ya utafiti katika fasihi simulizi.	(alama 10)

### SEHEMU B: HADITHI FUPI

#### Mapambazuko ya Machweo na Hadithi nyingine

2. Eleza nafasi ya vijana na wazee katika hadithi ya Mapambazuko ya machweo. (alama 20)  
Nafasi ya vijana
3. 'Sasa ni saa ngapi? Si wajua mtoto angali anakusubiri? Mtoto analala!'

a) Eleza muktadha wa dondoo hili	(alama 4)
b) Bainisha mtindo katika dondoo hili	(alama 3)
c) Eleza umuhimu wa msemaji katika kuendeleza maudhui katika hadithi ya Harubu ya maisha.	(alama 10)
d) Kwa hoja tatu, eleza umuhimu wa msimulizi katika kuendeleza hadithi ya mzimu wa kipwerere	(alama 3)

### SEHEMU C: BEMBEA YA MAISHA NA TIMOTHY AREGE

4. "...haikuwa mara moja mnavyofikiria. Ilianza pale chuoni. Wenzangu walinipa mvinyo kunirai kuoja ulevi."

a) Eleza maudhui manne yanayojidokeza katika dondoo hili.	(alama 4)
b) Eleza athari za mhusika anayerejelewa kujitosa katika suala linalooredheshwa kwenye dondoo.	(alama 6)
c) Kwa kurejelewa mifano tano katika tamthilia ya Bembea ya maisha, eleza tofauti iliopo katika maisha ya ndoa ya zamani na sasa	(alama 10)
5. Jadili sababu kumi zilizompeleka mwandishi T. Arege kuandika Tamthilia hii. (alama 20)

### SEHEMU D : NGUU ZA JADI NA PROFESA CLARA MOMANYI

6. "Samahani... Nina shida kidogo. Ninaomba usaidizi. Sikuwa nikilipa ushuru katika biashara zangu. Sasa wanataka kuzifunga na kunipeleka kotini."

a) Eleza muktadha wa dondoo	(alama 4)
b) Bainisha toni katika dondoo hili	(alama 2)
c) Msemaji wa maneno haya na wengine ni adui ya wananchi wa Matuo. Eleza ukweli wa kauli hili.	(alama 14)

7. Matumizi mabaya ya mamlaka ni tatizo sugu sana katika mataifa mengi ya Afrika yanayoendelea kiuchumi. Kwa kutolea hoja mwafaka, tetea ukweli wa kauli kwa mujibu wa riwaya ya nguu za jadi. (alama 20)

## 8. **SEHEMU E: USHAIRI**

### **Soma shairi lifuatalo kisha ujibu maswali.**

Jiulize ni kwa nini, uanzapo kuongea  
Sana sana makundini, watu hukuondokea  
Ndugu ujitathmini, hakika umepotea  
Sisi twakuombea, mwenye damu ya kunguni!

Mwenye damu ya kunguni, nayo lugha ya ajuza  
Wengi hawamtamani, maneno yake yaliza  
Yeye ana walakini, dosari kuliko pweza  
Kama wewe umefunza, sote hutuona duni!

Sote hutuona duni, na hilo tumezowea  
Kazi zetu zote guni, yeye tu amebobea  
Umewachokoza mbuni, mateke anapokea  
Sisi twakuombea, upae hadi hewani!

Upae hadi hewani, ujione kama bingwa  
Mewashinda gazetini, wandishi kwako wapingwa  
Yeye kwetu mpinzani, metia mipaka tingwa  
Twakuombea mtafiti, hesabu hadi mizani!

Hesabu hadi mizani, utunge kwa kukosoa  
U hodari hesabuni, nasi tushakuzoea  
We nduli kwa majirani, na waja mekutegea  
Kurekebisha hujui, ywatanika peupeni!

Ywatanika peupeni, ywajisifu mjuaji  
Amezidi zetu mboni, na amevijunjia mji  
Twamwachia waamuzi, kesi wasome majaji  
Sisi twakuombea, sirekebike kidogo!

- a) Eleza ujumbe unaojitokeza katika shairi hili (alama 6)  
b) Tambua miundo wa shairi hili (alama 4)  
c) Tambua bahari ya shairi hili kwa kuzingatia mpangilio wa maneno. (alama 2)  
d) Andika ubeti wa tatu kwa lugha nathani (alama 4)  
e) Tambua aina tatu za takriri zinazojitokeza (alama 3)  
f) Onyesha toni ya shairi hili (alama 1)